



Aqqalu C. Jerimiassen

UKA 2022/116

Atassut

04. oktober 2022

Uunnga siunnersuut: Radiukkut tv-kkullu aallakaatitsisarneq pillugu Inatsisartut

Inatsisaata allanngortinnissaa pillugu Inatsisartut inatsisiaattut siunnersuut

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Inatsisitigut nalimmassaanerit soorunami avaqqunneqarsinnaaneq ajorput, uanili ilaatigut eqqarsaatigineqarsinnaasoq tassaavoq; upperisarsiornermut tunngatillugu arlaatigut immikkut ittumik allannguiallassinnaanissaq.

Soorunami paasinarpooq, upperisarsiornikkut sunniiniarnermik siunnerfillit arlaatigut inatsisikkut killilerniarneqassappata.

Taamaattorli, ilittoqqussaraagut meeraanitsinni sapaassuarni kristumiussutsimik aallaaveqartunik titartakkanik filmilianilluunniit aallakaatitsisoqartarnikuunera.

§1-imi nr.3 eqqarsaatigissagaanni, apeqqusernartoqarsinnaagami; taavamitami juullikkunni tussiaqattaarnerit aallakaatinneqartarneri kalluarneqassanerlutik?

Inuaqatigiinni naleqartitagut, ingammillu utoqqartatta pingaartitatut kingornussarisimasaat, anersaakkut pisuujussutimittut isiguartagaat, tassalu lutherikkutut naaggaartutut anersaakkut perorsagaasimaneq isiginngitsusaaginnassallugu ajornakusoorpoq.

Inuaqatigiittummi tamannattaaq toqqaannaq naalagiaqataanngikkaluarluta tv-kkut raatiukkulluunniit aallakaatinneqartillugu tusarnaarnerani pissarsiaqarfiquartarparput.

Neriullunga tamakku eqqorneqassangitsut, siunnersuutillu imaata sinnera ajornartorsiutissaqartutut isiginngilarput Atassummiit.

Taamatut naatsunnguamik oqaaseqarluta, Atassummiit siunnersuut aappassaaneerneqannginnermini ataatsimiitsitaliami nalilersorluarneqarnissaa innersuupparput.